

Juramukua iretecheri ixu Michoacani umpakukuarhu anapuecha, ka juramukua enka útaka úrichani urhets'íkuk'a ka karakateri juramukuarhu enka jima p'íntakurhik'a miiukuarhu (32) ma ekuatsi témpini tsimani arhukukatarhu, tsimani, tanimu, témpini iúmu tsimani, témpini iúmu tanimu, témpini iúmu t'ámu ka ma ekuatsi t'ámu. Juramukuarhu jaka enka takukukata únt'auaka ixu Michoacani anapu umpak'ukuarhu ka (182) iúmu t'ámu ekuatsi tsimani karataka jaka, imani arhukukatarhu, tsimani, tanimu, témpini tsimani, témpini tanimu, témpini t'ámu ka témpini iúmu juramukuarhu, ka imani karakatarhu, iúmu, iúmu tanimu, témpini ka ma, témpini t'ámu, témpini iúmu, ma ekuatsi témpini, ka ma ekuatsi témpini tsimani juramukua enka xanhatataka iretecha ixu Michoacani anapu umpak'ukuarhu, ka enka jatsika míterarpeni mámaru jarhati eranharhikuechani ka úkatechani enkaksi ixu juchari umpak'uakuarhu irekuarhika.

P'ÍMARHPERAKUA:

Íamintu imani k'uiripuechani íni ireta anapuecha, Mazahua, Otomí, Nahua, Pirinda ka P'urhepecha enkaksi ixu Michoacani umpakuakuarhu irekaka enkatsi ísi tsipekua jatsiaka xérpini íni káskukua jimpo (XXXIX) ma ekuatsi témpini iúmu t'ámu úkuarhika XUKUPARHAKUERI AMPE XARHATAKUA ENKA TEMPUCHAKUARHU JUKANHAAK'A KA UARHAKUARHU IXU JUCHARI UMPAKUAKUARHU, enka imani jurhitekua úkurhiaka témpini abril kutsi inchamani íni uéxurhini jimpo, kópikuarhu Donoto Guerra, (orhepatini imani úkatarhu enka p'antok'ukukua jaka) imani xanharu Ocampo S/N, p'íntakurhik'a teruk'ani C.P. 60000, imani ireta jimpo Uruapan ixu Michoacani.

KÁSKUKUA

UÉNANI JÁMANI IMECHA NIUATI.-

k'uiripuecha enkaksi p'íntakuarhik'a ma iretarhu Michoacani, Mazahua, Otomí, Pirinda, P'urhepecha ka Nahua enkaksi no uárhini jaka ka útasí marhuatanhane jarhani.

TSIMANI ÚNI JÁMANI, XUKUPARAKUA.-

Mámaru jási úkuarhu xukuparhakua.

ma) Xukuparhakua jakak'ukuarhu anapu xukuparhakua

tsimani) Uarharicheri xukuparhakua

Tanimu) Mántani pauani anapu xukurhakua (k'uiripu k'ératicha úati inchaparhakuni íni arhukukatarhu)

Tsimantaniksi úati inchaparhakuni íni antaperatarhu:

- 1) Jakak'ukuarhu anapu xukuparhakua. Sapicha ka tumpicha enkaksi témpeni uéxurini jatirika ka témpeni iúmu tsimani jamperi.
- 2) Uarhakeri xukuparhakua. Tumpicha ka k'ératicha enkaksi antakutakia témpeni iúmu tanimu uéxurhini ka sánteru.

No jíáretperanhaati úanekua inchanhane p'amenchakua jimpo enka íási jámani jaka SARS-Cov-2.

TANIMU. INTSÍMPERATA.-

Jauati intsiperata enkaksi antaaka urhetaru antaka, tsimanirhu antaka, tanimurhu antaka ini antaperakuarhu enka ini p'imarhperatarhu arhini jaka enka jinteka:

- 1) Xukuparhakuu jakak'ukuarhu anapu.
- 2) Uarhakueri xukuparhakuu.
- 3) Mántani pauani anapu xukuparhakuu, jauati enkaksi urhepani ueraaka ka enkaksi tsimantarhu eraaka ka enkaksi tanintarhu ueraaka. Tsimani arhut'atarhu, (tumpicha ka k'ératicha, eska ixu na arhini jaka:

UARHAKUA K'ÉRATICHERI

Enka urhepani ueraaka	\$15,000.00 (Témpeni iúmu mili pesu 00/100 M.N)	
Enka tsimantarhu ueraaka	\$10,000.00 (Témpeni mili pesu 00/100 M.N)	
Enka tanintarhu ueraaka	\$8,000.00 (Iúmu tanimu mili pesu 00/100 M.N)	vc

JAKAK'UKUARHU ANAPU XUKUPARHAKUA

Enka urhepani ueraaka	\$15,000.00 (Témpeni iúmu míli pesu 00/100 M.N)
Enka tsimantarhu ueraaka	\$10,000.00 (Témpeni mili pesu 00/100 M.N)
Enka tanimurhu ueraala	\$8,000.00 (Iúmu tanimu mili pesu 0 00/100 M.N)

XUKUPARAKUA PAUANI KA PAUANI ANAPU:

Enka urhepani ueraaka	\$10,000.00 (Témpeni mili pesu 00/100 M.N)
Enka tsimantarhu ueraaka	\$8,000.00 (Iúmu tanimu mili pesu 00/100 M.N)
Enka tanimurhu ueraala	\$6,000.00 (Kuímu mili pesu 0 00/100 M.N)

SAPIRHATICHERI UARHAKUA

Enka urhepani ueraaka	\$8,000.00 (Iúmu tanimu mili pesu 00/100 M.N)
Enka tsimantarhu ueraaka	\$5,000.00 (Iumu mili pesu 0 00/100 M.N)
Enka tanimurhu ueraala	\$4,000.00 (T'ámu mili pesu 0 00/100 M.N)

SAPIRHATICHERI XUKUPARHAKUA ENKA JAKAK'UKUARHU ÚRANHAK'A}

Enka urhepani ueraaka	\$8,000.00 (Iúmu tanimu mili pesu 00/100 M.N)
Enka tsimantarhu ueraaka	\$5,000.00 (Iumu mili pesu 0 00/100 M.N)
Enka tanimurhu ueraala	\$4,000.00 (T'ámu mili pesu 0 00/100 M.N)

Káskukua intsiparekuari iámentu ini antaperakueri ma atakuarhu intsimperanhant'ati, témpeni jurhiatekua abrili kutsi inchamani ini uéxurhini jimpo, kópekuarhu Donato Guerra (P'antok'ukuarhu eratamani) Xanhari Ocampo enka no jukaka miukua K'éri kópekuarhu c.p. 60000 k'éri ireta Urhuapani Michoacani.

Tuminaksi intsinhant'aati iámentu antaricha enka inte antaperakua úkuarheaka karakata ma jinkuni enka arhini jauaka eskaksi inte mítenhantaxaka juramukua jimpo eskaksi inte inchaparhakuuska inteni antaperakuarhu.

T'AMU. KARATS'IKUKUA.-

Ne enka uékaaka karats'ikunt'ani úati nirani imani k'umanchekuarhu úkatecheri enka Emilio Carranza jaka 24 miiukua ka ampukuta Aquiles Serdan, kópekuarhu c.p. 60000 Urhuapani Michoacani sábado jurhiatekua 09 abrili kutsi inchamani 2021 jimpo. Témpeni atakuarhu uératini ka tsimani atakuarhu jamperi ka t'ámu atakuarhu ka iúmu tanimu atakuarhu jamperi. Ka jimaksi uininharhiantaati siranta ma nani enkaksi karats'ikuntani jaka inteni juramukuarhu anapuecha Secretaria de Cultura Michoacani anapu.

Tumpicha ka sapirhaticha:

Siranta enka arhik'a na enka jatini antap'enuka ka tsimani p'itakatechani ne enka karats'ikuntani jaka ka mítetarpentskua ma táate jémperi ka siranta ma enka arhini jaka eska sésekua íntskuxaka ka eska sésekua íntspexaka eska úaka p'itakata ampe kánhani. (SECUM jatsiati imani sirantani úkuni) Enkaksi sirantechani exenhant'aakia, tátsekuaksi sirantechani k'uanhaskukuantauati.

Tumpicha ka k'ératicha: Mítetarpentskua p'itakatechani máru jinkuni. Enkaksi exenhaakia eska sési jarhaska tátsekuaksi intsínhant'aati imani sirantechani.

IÚMU ÚNI. AMPE ENKA JATSIKA JANHANHARHINHANI ÍNI ANTAPERAKUARHU.-

1.- Ima enkaksi karats'ikunt'aakaa intsínhantaatiksi ma mítetarpekua ma enka arhini jauaka eskaksi karakorhetixakaia, ka inte imak'usí úati marhuatani ka jatsiani kámani jarhani enka inteni antaperakua úkuarheaka. Ka enka ampe tsítaska, nóteru úatia inteni antaperakuarhu jarhani.

2.- Úkatecheri juramukua t'irerauati imani enkaksi inchaparhakuaka íni antaperakuarhu témpeni jurhitekua abrili kutsi inchamani jimpo, ka ístu jarhuatauati nikua ampe ampe jimpo ja ják'orhekua ampe tata jurhiata antarakuarhu ísi anapuechani ka k'éri japuntarhu uanamukutini anapuechani.

3.- Nóksi úati inchaparakuni:

3.1 Ima enkaksi tánani jámka xukuparhakua ampe.

3.2 Enkaksi kúnkorhekua uarharicheri kámka.

4.- Ima enkaksi máteru uéxurhini antaka úatiksi karakuarhentani, peruksi nóma tumina antaati.

KUÍMU . AMPE ENKA UÉTARHEAKA KA AMPE ENKA XÁNI AMPE ERAKUNHAAKA.-

1. Eska xukuparhakua imaeuaka enka na marhuatanhani jaka p'intekua jimpo.

2. Eska imani ampe jimpo úkateuaka eska íóntki na únhempka.

3. Eska jakak'uarhu anapu xukuparhakua no jukaraaka takusi enka iási k'úínchekuarhu jukanhani jaka.

4. Ka no úati jukanhani takusi enka mereak'a o enka tiámu ampe jukaraka.

5. Eska xukuparhakua ísi úkata jauaka eska p'intenhaní unhani ma iretarhu nani enka uératini anapuenhani.

6. Eska takusi ka máteru kasipetarakua ampe, uékach'akua tirhintikua, jónkorhekua ma materu ampe, eska imani ampe úranhaaka eska na p'inteka úranhani.

IÚMU TSIMANI. NANI ENKA ÚKUARHEKA ANTAPERAKUA

lámentuksĩ ima enka karatsĩntaaka jatsiatiksĩ Domingu jurhiateku témpeni jurhiatekua abrili kutsi inchamani 2022 jimpo. 7:30 atakuarhu K'umanchekua útatecheri jima jarhani, ampukuta Emilio Carranza 24 ka terurukua Aquiles Serdan kópekuarhu C.P: 60000 Urhuapani Michoacani.

Ka inte antaperakua k'uiripuni exeperpenhaati ka ístu ima ampe ne enkaksĩ antapiti uéraaka inteni kópekuarhu enka mántani uéxurhini úkuarheka.

Enka k'amarakuarheakia xarhatakua ima enkaksĩ incharhakuaka inteni antaperakuarhu sĩntaksĩ ma íntsinhantaati enka arhini jauaka eskaksĩ inte íni antaperakuarhu jarhaska ka jima uantanhantantaati nésĩ antari ka imaksĩ p'iuati intsimperatani.

IÚMU TANIMU. NESĨ ERANKUNI JAUJA ÍNI ANTAPERAKUANI

Ima enkaksĩ exeni jauaka ka erankuni jarhani íni antaperakuani, achamasĩ ka uarhimasĩcheuatiksĩ enkaksĩ janhanharhikateka ka enkaksĩ míteka xukuparhakueri ampe ka sésiksĩ erakunhantaati ka ima k'uiripuechaksĩ jatsisti xarhatanhani nésikiksĩ enkaksĩ uantantani jauka na enkaksĩ ima erankuntaka ka néksĩsĩ eraku enka sánteru sési ampe kúp'aka ka antani.

Ka intecheri uantakua no úati mót'anhani.

IÚMU T'ÁMU. MÁTERU AMPE.-

1. Enka karakuarhentaaki imaksĩ jíókuarhexati iámentu ampe enka íni káskukaurhu arhinin jaka.
2. lámentu ampe enka no jaiapanhentaaka ka enka ixu no arhini jaka ini P'ímarhperatarhu, sési ka eratsekua jinkuniksĩ sési péraanhaati achamasĩchani ka uarhimasĩchani jimpo enkaksĩ enkaksĩ íni antaperakuani exeni jauaka nésĩ anta ka imechani jinkuni enkaksĩ íni antaperakuani úni jaka.
3. Ka enka uétarheaka sánteru ampe míteni uákats'ĩni uantani: 443 3228900 ext. 127 Enka mántani P'íntarhekuechani jinkuni uantap'erani jarhak'a enka Jurakueka úkatecheri ampe ka úakats'ĩ karani: indumentariamichoacan@gmail.com

Morelia, Michoacani 24 febreru inchamani 2022 jimpo.